



შრომის სამართლის ბიულეტენი



EUROPEAN
TIME

დაგვისვით შეკითხვები
european.time.geo@gmail.com
ekakardava2014@gmail.com

FRIEDRICH
EBERT
STIFTUNG

შრომის
სამართალი

ივლისი, 2024

ასოციაცია „ევროპის დროით“ ფრიდრიხ ებერტის ფონდის მხარდაჭერით გთავაზობთ ყოველთვიურ შრომის ბიულეტენს



ეკატერინე ქარდავა, სამართლის დოქტორი, ასოციაციის „ევროპის დროით“ თავმჯდომარე

კითხვა-პასუხი:

რას ნიშნავს ევროკავშირის პროპოციულობის ტესტი პროფესიების რეგულირებისას?

ევროკავშირში ერთ-ერთი ფუნდამენტური უფლებაა პროფესიის არჩევისა და რეგულირებადი პროფესიის განხორციელების უფლება. ზოგიერთი პროფესიის შემთხვევაში (როგორცაა ექიმები, ექთანი, არქიტექტორი) პროფესიული მომსახურების რეგულირება ჰარმონიზებულია ევროკავშირის დონეზე. მაგრამ სხვა პროფესიების შემთხვევებში, ეს რჩება ევროკავშირის წევრი სახელმწიფოების კომპეტენციაში, რაც იმას ნიშნავს, რომ მათ აქვთ უფლება გადაწყვიტონ ინდივიდუალურად - არის თუ არა საჭიროება რეგლამენტირებული წესების მიღებაზე.

„რეგულირებადი“ პროფესიებია ის პროფესიები, რომელთა განხორციელება ან წვდომა შეუძლიათ მხოლოდ იმ ადამიანებს, რომლებსაც აქვთ გარკვეული კვალიფიკაცია (მაგალითად, მხოლოდ იურისტს შეუძლია ადვოკატად მუშაობა).

პროფესიაზე წვდომის შეზღუდვა დასაშვებია იმ პირობით, რომ დაცული იქნება პროპორციულობისა და არადისკრიმინაციის პრინციპები. საქმიანობა და საკვალიფიკაციო მოთხოვნები ძალიან განსხვავდება წევრ სახელმწიფოებს შორის მათი შესაბამისი ისტორიული განვითარებისა და გამოცდილების გამო.

ევროკავშირში გამოქვეყნდა მოსაზრება, რომ არ არის სიცხადე იმ კრიტერიუმებთან დაკავშირებით, რომლებიც ეროვნულმა კომპეტენტურმა ორგანოებმა უნდა გამოიყენონ რეგულირებადი პროფესიების ხელმისაწვდომობის შეზღუდვის პროპორციულობის შეფასებისას. 2016 წელს გამართულ საჯარო კონსულტაციაში მონაწილე დაინტერესებული მხარეების უმრავლესობის აზრით, აუცილებელია ევროკავშირის დონეზე ერთიანი მიდგომის ჩამოყალიბება, რათა თავიდან იქნას აცილებული ევროკავშირის შიდა ბაზრის ფრაგმენტაცია და აღმოიფხვრას ბარიერები წევრ ქვეყნებს შორის დასაქმებულთა ან თვითდასაქმებულთა საქმიანობის კონტექსტში.

2015 წლის აპრილში ჩატარებული გამოკითხვის თანახმად, ევროკავშირის 28 წევრ ქვეყანაში (ამ დროს დიდი ბრიტანეთი ევროკავშირის წევრი იყო), ევროკავშირში სამუშაო ძალის მინიმუმ 21% (50 მილიონი ადამიანი) შეიძლება ჩათვალოს რეგულირებად პროფესიაში მომუშავედ (იმ საქმიანობაში მომუშავედ, სადაც საჭიროა კონკრეტული პროფესიული კვალიფიკაცია). თითოეული წევრი სახელმწიფოს ვალდებულებაა გადაწყვიტოს, არის თუ არა საჭიროება ჩაერიოს და დააწესოს წესები და შეზღუდვები რეგულირებადი პროფესიების ხელმისაწვდომობაზე.

2017 წლის 10 იანვარს ევროკომისიამ შეიმუშავა საკანონმდებლო წინადადება (დირექტივის პროექტი), რომლის მიზანია შექმნას ახალი მიდგომა პროპორციულობის შეფასების ჩასატარებლად - არსებული ან ახალი პროფესიების მიმართ ეროვნულ დონეზე საკანონმდებლო, მარეგულირებელი ან ადმინისტრაციული დებულებების შემოღებამდე, რომლებიც, თავის მხრივ, ზღუდავს რეგულირებად პროფესიებზე ხელმისაწვდომობას. ევროკავშირის დონეზე მოქმედების მიზნებია: კრიტერიუმების მეტი სიცხადის, საიმედოობის, გამჭვირვალობისა და შედარებადობის გაძლიერება წევრ ქვეყნებში და წესების თანაბრად გამოყენების უზრუნველყოფა, რათა თავიდან იქნას აცილებული ევროკავშირის შიდა ბაზარზე წევრ ქვეყნებს შორის პროფესიებზე ხელმისაწვდომობის შემაფერხებელი, გაუმართლებელი და არაპროპორციული წესების შემოღება.

2018 წელს მიღებულ იქნა კიდევ 2018/958 დირექტივა პროფესიების ეროვნულ დონეზე დარეგულირებამდე პროპორციულობის ტესტის გამოყენების შესახებ. დირექტივამ ჩამოაყალიბა წესების საერთო ჩარჩო. ეს არ ახდენს გავლენას წევრი სახელმწიფოების კომპეტენციაზე გადაწყვიტონ - დაარეგულირონ თუ არა პროფესია. მთავარია პროფესიის რეგულირება დააფუძნონ პროპორციულობის პრინციპებს. ევროკავშირის წევრმა ქვეყნებმა უნდა უზრუნველყონ, რომ ნებისმიერი ახალი ან შესწორებული წესი იყოს გამართლებული და შესაბამისი ევროკავშირის მართლმსაჯულების სასამართლოს მიერ აღიარებული საჯარო ინტერესების მიზნებთან მიმართებაში, როგორცაა:

- საჯარო პოლიტიკა, საზოგადოებრივი უსაფრთხოება ან საზოგადოებრივი ჯანმრთელობა;
- მომხმარებელთა, მომსახურების მიმღებთა და მუშაკთა დაცვა;

- ფისკალური ზედამხედველობის ეფექტურობის დაცვა;
- თაღლითობასთან ბრძოლა და გადასახადებისგან თავის არიდებისა და თავის არიდების პრევენცია;
- გარემოს დაცვა.

წყარო:

[https://www.europarl.europa.eu/RegData/etudes/BRIE/2017/614606/EPRS_BRI\(2017\)614606_EN.pdf](https://www.europarl.europa.eu/RegData/etudes/BRIE/2017/614606/EPRS_BRI(2017)614606_EN.pdf)

<https://eur-lex.europa.eu/eli/dir/2018/958/oj>

<https://eur-lex.europa.eu/EN/legal-content/summary/proportionality-test-for-new-regulation-of-professions.html?fromSummary=17>

მოგვწერეთ, გვკითხეთ
european.time.geo@gmail.com
ekakardava2014@gmail.com
eka_kardava@yahoo.com